

## 2.4 SHFAQJA E REGJISTRIMIT NË FORMATIN COMARC

Të dhënat për materialin mund t'i shfaqni në të njëjtën mënyrë që janë futur në bazën e të dhënave bibliografike. Shfaqja mund të mbetet e hapur edhe përderisa kryeni procedura të tjera. Ju, sipas nevojës, mund edhe të kopjoni të dhënat e shfaqura.

### *Procedura*

1. Në klasën **Materiali**, kërkoni dhe përzgjidhni materialin.
2. Përzgjidhni metodën **Objekti / Shfaq regjistrimin në formatin COMARC**.

Dritarja **Paraqitja - Regjistrimi bibliografik** do të hapet, në të cilën do të shfaqen dhënat bibliografike dhe të dhënat për koleksionet e bibliotekës për materialin e përzgjedhur.

### *Mundësitë*

Regjistrimin bibliografik në formatin COMARC mund të shfaqni duke klikuar butonin **COMARC**, si dhe në redaktuesin **Fusha 996/997** dhe në dritaren **Kontrolli i ardhjes së serialeve**, në të cilën e regjistroni pranimin e serialeve.

Shfaqja e regjistrimin bibliografik në formatin COMARC është e mundur edhe në redaktuesin e regjistrimeve bibliografike. Në listën e objekteve të gjetura, mund të përzgjidhni një ose më shumë regjistrime. Pasi të klikoni butonin **Shfaq**, do të hapet një dritare që përmban regjistrimin në formatin COMARC. Nëse i keni theksuar disa regjistrime, përdorni tastet e shigjetave <left> dhe <right> për të lëvizur mes tyre. Kur dritarja është e hapur për një regjistrim, në listën e objekteve të gjetura mund të përzgjidhni regjistrimin tjetër. Pasi të klikoni butonin **Shfaq** do të hapet një dritare e re. Në këtë mënyrë, dy ose më shumë dritare mund të jenë të hapura në të njëjtën kohë. Këtë mundësi do ta shfrytëzoni nëse dëshironi t'i krahasoni të dhënat në dy regjistrime.

Në formatin COMARC mund të shfaqni vetëm të dhënat e hollësishme për koleksionet e bibliotekës, ashtu që në klasën **Fusha 996/997** të kërkoni dhe përzgjidhni fushën 996/997 dhe pastaj e përzgjidhni metodën **Objekti / Shfaq fushën në formatin COMARC**.